

北京圖書館藏

清末時事新集選

第七冊



(清末)時事采新彙選

第七冊

北京圖書館出版社

時事采新彙選

光緒癸卯七月

光緒二十九年七月二十六日

內務府國子監廂黃旗值日起居注引 見二名

外務部四名正紅蒙六名正紅漢四名廂紅滿四名

兩翼二十四名內務府十四名圓明園十八名武備

院四名 慶王世續謝放崇文門正副監督 恩

河南布政使瑞良請 訓 陸潤庠續假十日

志公請假十五日 毓朗請假五日 兵部奏派查

齋之大臣 派出敬昌溥侗恒順毓秀善旌吉陞

英信良泰 掌儀司奏初一日祭 奉先殿溥

侗行禮 提督衙門奏拏獲結夥持械迭次搶劫復行槍斃夥

諭旨恭錄

光緒癸卯七月二十六日

一

犯之巨盜鄭小五兒等七名又拏獲結夥持械嚇禁

事主鄰境搶劫盜犯張大郎張致又名張向南等三

名又拿獲結夥持械疊次刨挖墳塚盜犯方大莊兒

等四名均請交刑部

召見軍機 瑞良 聯芳

七月分教職選單 教授湖南永州劉潤珩長沙四

川順慶余彬成都俱甲 正諭直隸保安州商天爵

永平順天文安杜世楷錦州山西遼州王麗中汾州

河南光山葛順昌許州光州游青田衛輝廣西象州

鄭幹材潯州四川蓬州湛文堂忠州邛州王宣猷順

慶屏山黃茂嘉定雲南嵩明州凌邦銓昭通俱舉

諭旨恭錄

光緒癸卯七月二十六日

一

恩龍泉周國楨霽波附廣東臨高游錦光廣州副廣

西羅城文貴輝鬱林副貴州發川葉春華貴陽舉

復訓江蘇丹徒李凝辰太倉附泰興晏崑瑤揚州舉

山西神池張謙和汾州汾陽田助公大同安邑雷敬

汾州河南安陽任聯奎許州南陽李作霖光州陝西

長安張永誠邠州甘肅平涼曲清羣昌俱廩福建順

昌林以垣興化歲江西新建金玉聲廣信貢生義寧

梅洪馨贛州廩廣東海陽盧瀾清廣州附新會許光

煌肇慶增四川定遠劉照黎龍安歲屏山潘泰立重

慶廩

癸卯恩科順天鄉試國子監變通錄科章程

錄北洋官報

計開 一向章貢監生例驗單照外加取同鄉京官印結親到識認方准收考茲借闡河南應略爲變通或由本籍地方官或由游幕地方各衙門出具文結自督撫至府州縣凡正印官均准送考惟須取具並非假冒及身家清白甘結送監收考後由監造冊咨查備有頂管等弊答歸送考各衙門 一向章各項官員及騰錄教習由各本衙門印文送考者概免取結其隨任子弟向須取同鄉官印結者今遵新章於例具文結外毋庸加取文結京官子弟免考到外官子弟仍於考到後錄科 一向章正途貢監有隨祖父與伯叔兄弟任所讀書者方准以隨任送考其堂時事采新彙選第六卷

一 癸卯七月廿六日刊

兄弟堂侄例不准其送考者此大奏准亦暫行准其出具文結送考京官印外官州縣以上准其直達本監其佐貳雜職具有所任地方正印官文結亦可申送 一議遵禮部奏定新章考到日試四書義一篇錄科日恭默聖諭廣訓一段四書義一篇中國政治史事論一篇非議論宏通詞義雅馴者概不取錄酉刻交卷不許給燭 一議跨考之弊不可不防隸籍河南之貢監各生赴監投考錄取後由監造冊移咨河南巡撫備查如有已應順天鄉試未經中式復應河南鄉試者不准入場外仍照例辦理 一以上各條均係奏定新章欽奉 特旨不容絲毫遷就俟鄉試改歸京闈仍一律照向章辦理 一副榜貢生除

在監肄業外所取送考文結內務須詳填年貌籍貫三代中式科分名次 一考到一次不取不准錄科錄科一次不取不准再考 一現在肄業貢監應由各堂助教等官取具親供互結付應收考其未補復班並告假期滿在三年以內者除赴本堂投具親供互結外應照舊取的係本名字樣加印結錄科免其考到如告假期已滿三年非例免考到而混入者查出扣除 一直隸俊秀捐納貢監無論肄業與否均由本監錄送其正途貢監肄業者由本監錄送其不在監肄業之正途貢監生員在館充當騰錄及算學肄業者應歸貝字號順天學政錄科本監概不收考 一六月十三日起按三六九日分場考錄均於大時事采新彙選第六卷

二

癸卯七月廿六日刊

日發案十三日六堂肄業生各學教習及京官候補候選止途俊秀錄科十六日直隸奉天河南山西俊秀考到十九日錄科二十三日江蘇安徽正途俊秀考到二十六日錄科二十九日浙江江西湖南湖北正途俊秀考到七月三日錄科初六日四川雲南福建甘肅貴州陝西廣西止途俊秀考到初九日錄科十三日山東正途俊秀考到十六日錄科十九日廣東正途俊秀考到二十三日錄科二十六日京外及由本籍與游幕來豫各貢監等一體大收惟各該生須先期赴監報考不得自悞 一七月二十二日以後實有事故未及考錄者酌於二十五日開場統補各錄科再逾期限即歸大收 一截止考錄後舉行大

收一次原為搜錄遺才非正場可比應從嚴甄取仍分省點名入場 一廩增附及俊秀先捐監後捐貢者應有四照如四照不全不准收者或捐監同日加捐貢生者祇有三照驗明收考倘有舊捐監照業經查銷者亦須驗有實據方准收考 一恩拔歲優貢生捐納職官驗明官照並貢單方准收考如有官照而無貢單者不准收考 一同治十三年起俊秀減成報捐貢監均須交四成銀兩方准鄉試其光緒四年遵常捐例報捐減成貢監均須補足十成銀兩方准鄉試均須驗明補交銀兩執照方予收考其同治十三年以前報捐減成貢監例免補交四成銀兩 一捐輸候補候選官員本署遵照部章驗明官照併部監

時事采新彙選第六卷

三

李鼎七月廿六日刊

照方准收考如有官照而無部監照者概不收考 一屋增附及俊秀在各省儲庫報捐貢監生領有實收者禮部議定奏奉近省在一年內遠省在十五月之內或未換領部照者准其呈驗實收如逾限未換領部監二照不准收考 一去年因庚子之亂各生實收或有未換照者曾咨商禮部暫為通融並示諭各生不得援以為例本年鄉試仍應遵照部覆所有逾限未換部照者概不收考 一各省及軍營等處報捐貢監生填給空名執照未經造具年貌籍貫三代清冊到監者務須於例具文結內詳填該生年貌籍貫三代呈驗方准收考 一承辦官自六月中旬起按二五八日在公廨驗照餘日均不收驗該生等務須

親身持帶文結單照赴監將年貌籍貫三代官卷民卷詳填填註親書花押核對登簿呈驗即於單照上印以戳記方准備卷其有不親身赴監托人代投文結單照者概不收驗 一在京候補候選隨任教習膳錄序班止途貢監有願應順天鄉試者該生等務於五月下旬親齎執照本衙門堂印咨文前往豫省本監公廨投考 一考到錄科取文卷各有一日短長無大錯謬尚可酌錄雖不遵場規或踰意尤經用犯現戮記者雖有佳文亦不錄送 一錄科卷彙送部候該生中式後夾入卷內磨勘墨蹟如有不符舉出究辦 一貢監考到錄取後分撥六堂各生務須親身赴所撥之堂謁見助教學正學錄填寫親供載

時事采新彙選第六卷

四

李鼎七月廿六日刊

明生貢中式捐納年分取具同考五人互結六堂助教等察其年貌審其聲音核對無訛方准移付過廳呈堂分別錄科如有不親身謁見託人代交供結者或不先期謁見候錄科臨場隨帶供結者概不錄送 一書手卑役概不准在外包驗文照查出責革 一應編官卷貢監如祖父胞伯叔兄弟等在曾任丁憂告假告休之京堂翰林科道督撫將軍提督都統副都統藩臬等官者編入官卷其兼銜署任勒休並無職掌等官仍編入民卷文結內務須聲明儘未經聲明仍須取具切結補行聲明毋得自悞

論中國當求治標之法

錄七月十八九廿日大公報

時局有緩急之分治理亦有標本之別非可相混而為言

也雖然事有宜緩其所急而急其所緩者此中之計需要在當事者剖析分辨決其標本之所在以定組織之方針夫而後施展順序措置裕如既無一舉之不得其平復無一事之不挾其弊內政從而安措外交從而理平其他一切國家上社會上經濟上之運動亦從而保守平和恢其雄飛遠拓之良謀以圖共同團體之幸福而究其趨勢得以如是強固者莫非由有治理之責者羣具特別之精神遂呈今日之結果此無他知有以急其所當急而緩其當所緩也若不知時局緩急者則異昇處時事緊迫之際猶依然抱其平時一種雍容揄揚之概以期默化乎危機甚至薄人尊己不分文明真精神以劣競優欲爭天演大淘時事采新彙選第六卷

五

癸卯七月廿六日刊

汰卽有時明知計數術絀不足以挽回厄運以謀補救於二三而亦甘心優忍苟且偷安既不顧後者之難爲繼復不思來日之若何存以如是之治法出以如是之治人無論勢處迫促萬難支持卽號稱強健之邦亦未有不致禍患紛乘國運日趨於危弱者謂如不信借鑒今日之西班牙請逆計將來之俄羅斯其事實不昭然明瞭乎

我中國立國最古數千年來抱持一種舊思想舊學術以出治而理民而日處太平洋中最得地勢之廣闊環繞者皆島嶼小國羣以勢力微薄之故莫不崇拜我中邦遂至四境安全既無敵國之爭抗亦無隣境之占侵而強權之運動遂任其膨脹橫行達於最高點絕無一毫之阻滯難

其間不無二三民羣草寇之衝突破壞國內以難堪然皆民族與民族之競爭旋起亦卽旋靖未有若今日世界之大衝突奪其主權制其種族使終身受奴隸之束縛不復有伸揚之望足令人聞之莫不心慄而膽寒者至言其治法其間亦非無一二名儒痛陳治安之策縷述本末之方以圖幸福安全長保守於萬年不敗者特無如指陳之學說大都皆爲利於個人而計絕無謀聯合團體以勃發其愛國思想之事以至凡在上中下社會中人皆視國家爲一王所獨有而政治則與國民無所干民羣國家既無密接之相關政治社會復無聯貫之影響國自國而民自民舉四萬萬之圓顛成四萬萬之敵體其結果遂釀成今日時事采新彙選第六卷

六

癸卯七月廿六日刊

之腐敗情狀一發而不可救藥焉此中國一般治法現狀之由來也

今日者海禁大開強鄰日倡外交之政策既劇烈以難堪爭競之設施復奇妙而莫測而我之思想我之學術率皆數千年之錮蔽說法舉不足以對待而相持於是主權之屬牛見移於他人利益之宏悉相讓於列國而洎是以降甲午既瀕於危迫庚子復大受瘡痍其禍端雖自我而開而推厥原因使苟民智大開程度日進奚至爲此不文明舉動而致宗社震驚乎無他民羣上下無愛國真精神徒逞一己野蠻排外之熱性以挑釁於他人不審一己勢力爲如何不思事機結果爲奚若此所以自促其國運有所

難知而弗顧也故今日欲求救治之策當以革除民羣舊思想而增進國家新思想爲第一治標之法乃觀今日頌行之新政大率貪冒虛名毫無實際如學堂也有阻撓之人而無提倡之人科舉也有保守之人而無破壞之人其他如嫉自由民權立憲共和如仇讐而不思所以擇善之法視保皇國民革命仇讐爲會黨而不思所以解散之方新譯之書籍概目之爲邪說而不辨良惡新出之報紙羣畏之如虎蝎而不知警省以如此之倡行新政號救衰危吾忍費百數十年組織之精神仍難裨濟於萬一漫曰開國民之智慧高國民之程度俾日進於文明而增大國勢乎故居今日而觀一般在上之治法無以救標適以重標

時事采新彙選第六卷

七

癸卯七月廿六日刊

所謂完全頑固之達極點者況夫臥榻之旁他人羣伺己不自振人將越俎而代庖吾曾不知端居高位者是誠何心一任誤國至於此極也由是觀之則知欲治今日中國之標不先儲治穩之人安在見其標之能治乎何也彼強權專擅之世上行下效近令遠從斯民雖飽具服從根性甘心自棄其人格而唯一政令之相從然實以按其狀態斯民之愚蒙達百度其在上之愚蒙當更有高至千度萬度而不可究詰者否則非利民之愚而苟固權勢卽重民之愚而思擅福威此今日中國一般上流社會之謬心也庸詎知世界立國之道惟有合羣以興邦萬無離羣而強國彼路易十六之於法梅特涅之於奧其持愚民主義卒之身敗名裂往事昭然可

徵若是者欲愚民而轉見害於民天下之愚昧者孰有如是之甚乎況夫國勢已極孱危民心久形渙散他人出其治外手段以奇幻柔制相施喜在上之愚民民無由肆其改革之思而彼所得之利權長此可保利在上之自愚彼遂逞其蠶食之策而我所在之主權全爲彼收訊觀於印度埃及緬甸非律賓迄今其長官猶在而國權既歸諸別國大柄復屬於他人而其地人民猶悠悠忽於奴隸牛馬之下而不自覺察撫念及此正無寒心若以我今日中國之現狀例以我中國將來之趨勢如瓜分之圖高懸世界鐵道政策聯貫國中恐將來之敗壞將有不止於是者今幸一二省沿海人民稍得開通之知識亟思將各國文明精

時事采新彙選第六卷

八

癸卯七月廿六日刊

神悉輸入於國中以爲救治維持之一助而強權家如是其壓之制之又於未經開化者更從而塞其腦蔽其靈其心思手足不使有一毫之動作是直欲胥全國四萬萬人同卽於死亡而後已中國前途尙有牙乎故卽今探中國受病之原因表面雖在國民而裏面實深於上流社會欲治今日之標不先祛上流社會之標而徒孜孜於全國社會中以求整頓改平吾可勵言其事之萬無裨濟焉誠如是也則合中國標病之所在以覓診治之方孰先孰後孰重孰輕可以知所緩急而不致藥劑之妄投矣雖然今日治標之急固在養成政治人材以謀全體之改革而猶必合民羣團力奮製造上流社會人材之精神以爲將來居上位而爲斯民表率之地在上者之智慧既開而在

下者之愚蒙自不迫而自化蓋國民程度之進步視其代表之程度何如以為轉移也故處國家幼稚之地位必先祛破壞此地位擾亂此地位強有勢力之人而後能儲保守此地位恢復此地位強有勢力之人政治之人材既得所謂主治麻木不仁而已先清其裏膿者表面之頑固教育可以逼迫之全體之野蠻法令可以開通之如此而謂有不夙痼全除奮發其獨立自治之精神而風氣大振者其可得乎

是以謀今日之中國國民之錮蔽不足以對待他人患雖重而在上者之重國民錮蔽不使其謀對待他人端實深將來之國民之愈棄其人格而促國運之衰危事非輕而時事采新彙選第六卷

九 癸卯七月廿六日刊

將來在上者之不足扶植國民人格以挽國家之頹敗害尤大故欲救治中國當以亟謀製造在上者之方法為最先而國民次之蓋舊政治家之年歲有限而新國民之前途無窮儻使今日上流社會之人一旦悉溺於老死而繼起者無新國民以代之則政治之腐敗當較今日而益甚國民之錮塞更較今日而愈深即國家之前途且亦較今日而愈不堪設想徒孜孜於開化國民而昧上流社會命脈之所在者無念及此可知所改定其方鍼焉是法也殆就中國國民沿數千年服從之習慣非得人以提倡治理無以裨濟於二三程度如是故治法亦不得不爾也若斯民苟為法國革命美國未獨立以前之國民其程度較中國高數倍而其治法則又非可同日而語矣

光緒二十九年七月二十七日

理藩院光祿寺正黃旗值日無引

見

善旌請假五日

召見軍機 德本

諭旨恭錄

光緒癸卯七月二十七日

論中國宜設編譯鑒定所

錄七月十五日同文編報

頃者中國北京議開譯館廣譯東西各國有用書籍主其事者爲嚴又陵先生先生學問淵懿性理湛深而又精於西文講研譯學卽其往時所譯赫胥黎天演論斯密亞丹原富等書精確雅贍卓然名軼雖曰轉述不啻自著獨成一子久已風行海內一時傾嚮家置一編人經百讀故茲譯館爲所主持聞者注心早已知其所成立者必有可觀迥殊流俗矣日來得見所訂定該館譯書章程規模宏達義例周愜經營之際具見苦心其所成立迥殊流俗於茲益信矣抑私心尤有所欲進者一國士人耳目有限聞見易窮學問之途斯形狹隘勢不得不取資域外借益他山時事采新彙選第六卷

癸卯七月廿七日刊

方茲天運窮變大地交通東西朔南萬國靡隔優勝劣敗強主弱奴禍福安危理無或爽競爭之具惟在學問尤不能不周知時務通達外情以爲因應之資以求治安之策然勢不能使通國之人咸出游歷就各國而肄習之卽不能不深有賴於各國之書籍顧資稟所限時事所拘勢必不能使通國之人盡通各國言語又字目就各國書籍而研求之卽又不能不從事編譯使各國之書籍悉變而爲本國語言文字俾盡人可通然後其爲事乃便而易而收效乃速而廣因斯以談譯書一事其所關係不誠重且要哉中國自比年以來朝廷慨然下變法之詔改科舉試士之法復諭飭通國廣建各等學堂汲汲然以造就人才爲

急而提倡譯務尤屬不遺餘力於是通國聞風興起孜孜矻矻以從事於譯書官費公立譯局所在多有外此有志之士明達之輩相與鳩貲結社以爲之者踵相接也何其盛哉積日以還所譯新書日出月布盈千累百沾溉士林功非淺鮮顧以草創之初漫無限制識解意見人各不同採取既多選擇或誤精粗互見是非錯雜其間宗旨正大條理秩然有益於世洵爲善本者固屬不少而輕囂龐雜奇袤怪誕足以爲世道人心之蠹害者亦不一而足薰蕕並進殊慮溷淆沙金雜陳方苦淘汰近來士習日以澆漓士論日以流蕩大率由此所致來日方長聽其所之未知安底識者憂之誠能及今設立編譯鑒定局簡公正明敏時事采新彙選第六卷

一

癸卯七月廿七日刊

之員專司其事凡有編譯新著之書必呈經鑒定然後發行此弊其或可漸挽歟

北京文明學校章程 續廿五日編錄十七八九二十一日大公報

第一章 綱領 第一節 本校之設以成就人才爲

國効用爲目的惟學界浩繁時事日亟非授以一人一己百之捷効不足以收速成之功非教以普通學業之大凡不能備各學堂之選本校闡發文明之大義研求政藝之淵源始以東文易解爲門徑而由淺以及深終以講求實學爲要歸而由博以返約激發忠愛以敦本練習體操以衛生學歐美之語言以通聲氣授繙譯之文法以便採訪兼體育知育德育三者而教之要義以全 第二節 欽定

大學堂章程之第一節第二節第三節本校學生應一律遵守 第三節 爲學之要首貴有恆荀子曰鑠而不舍金石可鑠言哉言乎凡來學諸君子既有志於學尙祈矢之以誠各堅乃心毋時作時輟毋始勤終怠必期卒業而後他適既有副 朝廷眷眷求才之心亦足以償本校殷殷勸學之望凡此苦衷諸希鑒察是幸 第四節 學生當知務本爲大義尊君孝親及兄弟敬長上庶乎倫理明綱常正則根本立矣加之以志操高潔品行端重勸學術慎躬行得善則學不厭膺夫如是斯成人之大本國民之義務當日進於文明而國家於以強矣

第二章 功課 第一節 本校先設仕宦速成科東語

時事采新彙選第六卷 三 癸卯七月廿七日刊

速成科歐美語文科又備設仕宦補習科言語補習科其助政法師範醫學農工學等專門學本校逐漸添設 第二節 仕宦速成科限期六個月卒業其課程均用東文授以日本憲法行政法理財學國際公法法學要論及文典繙譯等學凡一切政治治民之道總期速成致用爲主入本科者概以年二十歲以上精通經史者均許入學第一班畢業再招第二班以昭鄭重 第三節 東語速成科限期一年半卒業分三學期專授以日本語物理化學博物地學史學算學漢文體操繙譯等學生年十五歲以上二十七歲以下身家清白通文義者均准入學 第四節 歐美語文科授以英法德各國語文凡各科學生有

願兼習者聽如不習東文而專願習歐美語文者均許隨時報名入學本科限以三年卒業 第五節 仕宦補習科及言語補習科各科卒業學生畢業之後有欲再研究學業者可以入補習科補習仕宦補習科定期一年研究政治經濟等言語補習科定期一年半研修日本語日本文及普通科學蓋精益求精之意也若卒業大考而不能及格者考其程度之高下定期補習 第六節 既習東文之人願入本校研究學術者由本校考驗資格編入相當之班次肄業庶不致盡棄前功亦無躐等之弊

第三章 學生入學 第一節 願入本校者至本學校報名處領取入門志願書式一頁填注姓名年歲籍貫住址及願認學科並取具保證人員銜名及住址庶知其身

家清白以免濫竽 入門志願書式 本校備之 學生

某人年若干歲某省某府州縣人現寓某街今取有切實保證願入 貴學校某科肄業遵章取具保證書一併呈 鑒 光緒某年某月某日 保證書式 保證人 學生之親戚朋友某官某人 今保得 某科學生某人入學後必遵守 貴學校章程卒業限期不得無故退學曠工以及侵犯學規等情倘有違者均歸保證承管此證 光緒某年某月某日 保證人某 第二節 本社招考之期每年春秋二季臨期定日榜示一體考試試由本校校長以漢文命題考試取中者分別等第以次編入有通

東文者報名時隨即聲明本校另以東文考試甄別 第三節 凡大清國各省學校以及大員函送本社肄業之

學生均由本校校長酌量隨時入學 第四節 凡入學者先填注入門志願書式及保證書式聽候考試取中即

照章納束脩給與入學文憑入學若遇有事故不得不退學者須將事由報明與以退學文憑准其退學 第四章

學費 第一節 本校依照日本歐美學校辦法凡入學者均按章交納脩金 第二節 仕宦速成科六個月

卒業者每人每月應納脩金五元 第三節 東語速成科一年半卒業者每人每月應納脩金二元 第四節

歐美語文科學生每人應納脩金二元 第五節 仕宦時事采新彙選 第六卷 五 癸卯七月廿七日刊

補習科每人每月脩金三元 東語補習科每人每月脩金二元 第六節 以上各科學生如既納脩金之後有

因別故及患病請假退學者概不退還已納之脩金倘有越期不交者隨時除名

第五章 學規 第一節 每年開學放學日春秋祭丁日暨孔子誕生日諸生行禮並由主祭人員宣講 聖諭

廣訓一條諸生環立敬聽聽畢向校長三揖諸生各相向一揖禮成退 第二節 每年恭逢 皇太后萬壽 皇

上萬壽 皇后千秋節由總教習率同學中各教員暨諸學生齊班北向行禮以上除年節暑假外各停課一日

第三節 學生在講堂之上須進退有禮守弟子之儀不

可互相接談 亂坐位 第四節 受業時上堂下堂應向教習行鞠躬禮教習不退勿得先退凡教習有所查問

及學生質疑須起立 第五節 學生在本校內務須自重不可為危險之遊戲慎勿折損樹木破壞器具以及塗

抹牆壁造言生事違者由校長記過或斥退 第六節 學生在講堂之上不可吸烟痰唾非應用之書籍及他物

均不得携入講堂 第七節 凡學生見本校校長以次各教員不論學校內外必執師弟禮節凡稱呼必用尊稱

以表敬意 第八節 凡學生在講堂遇有各教習及官員賓客臨講堂參觀者聽從教習命令齊起行致敬禮倘

無教習之指揮即照常肄業 第九節 學生傲慢訓長時事采新彙選 第六卷 六 癸卯七月廿七日刊

爭鬥戲謔敗壞綱常凡有礙于王化有染于惡習立即斥退凡學生之行爲舉止及過失之處均由本班教習隨時

記載功過表凡記小過三次者抵大過一次犯大過三次者斥退出學其斥退出學者不准再入並以其事由呈報

管學大臣及各學堂 第十節 懲過之法以知恥爲大義意情放縱蕩檢踰閑最宜深戒侵犯學規者本班主任

教習誠飭之務期革舊從新知過必改儻有怙過不悛者輕則記過一次重則諸員會同查其情狀或予斥退 第

十一節 凡本校之學生不得無故曠工凡有事故必須告假者將事由及告假幾日注明執照送司事處登明考

勤簿屆期銷假如有患病及有重大事故者須約同保證人

來校向校長聲明事故並請假若干日儻逾一月不銷假及不續假者照章開除既除名後不准再入

告假書式 某學科第幾學期某人今因某事請假幾日光緒某年某月某日起至某月某日銷假 第十二節

端午中秋節各停課三日日曜日停課一日年假由十二月十五日放學起至翌年正月二十日開學每年暑假由小暑節放假起至秋節開學 第十三節 大日本國曆

十二月三十日放假起至翌年正月五日開學亦同慶年華之意也大日本紀元節及天長節停課一日此外遇有應行停課事由司事處先期告白

第六章 考試及卒業 第一節 試驗者由本班教習

時事采新彙選第六卷 七 癸卯七月廿七日刊

于平常講席之際留意學生之是否實心力學抑或虛應故事默而誌之每月考試一次名為月課每一學期考試一次名曰修業考試每屆卒業之期諸教習就學生全年所修各學藝詳加甄別者試一次名曰卒業大考以上各期考試均計甲乙按次榜示以明激奮 第二節 定甲

乙之法每課以百分為及格每年終計算分數須按月分布核其長年分數為一半卒業大考分數為一半二者折半以定優劣不滿五十分者可入補習科補習 第三節

凡各科學生學期考試及格者授以修業文憑最優者授黃色文憑其次紅色以為實據卒業大考及格者給與卒業文憑以為入各學堂及出洋留學之證 第四節

凡學生功課之勤惰總由本班教習登諸日記按月計算全無曠工者每月授勳學文憑收執為據俾其父兄知子弟之勤惰庶免始勤終怠之漸

第七章 教習及辦事員 第一節 本學校任事職員

學校長一員總教習一員教習若干員監督一員醫生一員評議員十五員另有參贊員若干員 第二節 學校

長依本校之宗旨總理學校一切之事務總教習輔校長從事教務教習訓誨生徒醫生主本校外之衛生治療等事書記掌收支簿籍及為稿文牘管理校內一切事宜凡有應行損益之處會同教習及參贊員商訂庶無一己之偏 第三節 監督中國人考察學生之勤惰曠工暨

時事采新彙選第六卷 八 癸卯七月廿七日刊

遲誤入舍退舍各事

論新聞紙與民智通塞有密切之關係錄二十一日大公報

天下有擔荷先覺覺人之責以提倡真理開導國民為義務一言既出而為數萬人所屬目所信從化野蠻為文明

警愚頑於睡夢其機捷於影響而莫之或爽者其惟新聞紙乎國民文野之程度以新聞紙之多寡為比例論新聞

紙之權力可以督飭國民即師父之教訓亦莫能比其嚴論新聞紙之效驗可以轉移風俗即朝廷之政令亦莫

能敵其力其責重故其力大其力愈大而其責亦愈重主持筆政者宜若何慎重以求不負所擔荷之責任乎導引

有方則國民可入於開明之域方鍼一誤則國民反入於

昏黑之鄉豈可以鹵莽爲哉夫我中國民智閉塞久矣好異端而不悟正理信邪說而不入正途其心思見解日流於虛無縹緲之境亦既相習而成風每遇一種荒誕不經之風說言者眉飛色舞聽者聲入心通而久之執迷愈甚於是毒蟲畜類亦稱仙風雲雷雨亦稱神焚香膜拜舉國若狂庚子之義和拳不數月而遍國中蓋非無故而然也其國民中之程度較高者憫民智之昏愚思有以開導之於是新開紙之設新聞紙者開民智之物也有妨害民智之事新聞紙嫉之如仇則立論以關之務使之不留餘孽庶可以破愚民迷惑之心乃有幾種新聞紙不但不能開通民智且於愚民所迷信之邪說異端從而推波助瀾時事采新彙選第六卷 九 癸卯七月廿七日刊

津津樂道此種新聞紙之主持筆政者其爲義和拳之大師兄乎抑爲祖拳之魁首乎不然何其信邪之甚也揣其意一若恐愚民信邪之心不堅因而極力提倡者苟或義和拳復起吾意彼必以神顯聖仙顯靈稱之蓋其素所提倡之邪說異端即義和拳所恃以爲亂之邪說異端既於邪說異端而提倡之安得不於實行此邪說異端者而稱道之此非予之冷語中人也此中之關係匪輕新聞紙有開民智之責本記者故不忍知而不言深恐此理不明將來新聞紙必有變爲誕妄之妖書者欲求民智之開通而民智反因而愈閉塞則新聞紙之流毒勢將無所底止此吾願與同道諸君子所兢兢共勉者也

光緒二十九年七月二十八日

外務部欽天監正白旗值日無引

見

假滿請安

貴州總兵馬金叙請

訓

貝勒請假十日

恩公續假十五日

召見軍機 馬金叙

諭旨恭錄

光緒癸卯七月二十八日

粵友上岑雲帥條陳辦匪事宜稿附論

新刊
七月十六七日

竊聞風過林則振響水觸石則揚波非風之自響水之自波也有所激也民之從賊也亦然使其處承平之世耕田鑿井衣食無憂何樂為盜其所以甘心為盜者水旱迫之會黨擾之團總虐之兵勇復從而殺戮之不從賊則無以謀生從賊則或可救死此亦有不獲已之勢也官吏不察概目為匪率隊下鄉不分皂白痛加剿洗殺一人則全家從賊殺一家則全村從賊此所以滋蔓難圖也夫昔之士匪不過劫搶仇殺為一方害而已近以土匪之名不足以恐嚇官軍也遂勾聯游勇廣購槍炮戕官據邑已成燎原之勢若再示以姑息則適足以養奸故辦理之法宜先剿

時事采新彙選第六卷

一
癸卯七月廿八日刊

而後撫然剿之難有五滇粵黔三省俱有賊踪滇軍盛則竄粵粵防固則竄黔狡兔三窟莫能制其死命其難一用兵之道塢堅巢易制流寇難今之游匪行踪詭秘出沒無常防不勝防剿無可剿徒使我軍疲於奔命彼轉得以逸待勞其難二游土既合游勇得土匪為鄉導何村富饒何地險要賊已周知我軍多從他處調來地利不熟雖有勁旅亦無用武之地其難三軍輿數載我師次敗劒兵勇震於游匪之名未接戰而心膽先裂縱復勉強支持而手足失措發彈亦難命中故多有棄槍而遁者銳氣已挫難振軍聲其難四士卒之所以一往直前奮不顧身者有利以鼓舞之也今之月餉重者不過五元否則二兩四錢耳

而又多方以折扣之米珠薪桂糊口猶難安能買其身命乎口糧既薄士不用命其難五有此五難師徒所以屢出而無功賊餒所以愈撲而愈熾也然則聽其滋擾乎曰自古無不平之賊視布置之疏密何如耳今條陳辦法次序於後一曰設經客以一事權也賊既蔓延三省自宜合三省而統籌之始能有濟前雖奉有三省會剿之旨然僅各派鎮道一員徘徊境上資望既輕兵力亦薄而又此疆彼界畛域各分粉飾敷衍遂以肅清上聞大難何日救平也擬請擇雲貴兩廣督撫為經略大臣數省水陸各軍俱聽節制則權歸畫一責有專司既無掣肘之虞斯不至以鄰國為壑矣經略得人而庶政可次第舉矣一曰籌防堵

時事采新彙選第六卷

二
癸卯七月廿八日刊

以備他竄也滇黔雖有賊蹤而大股實在粵境故雲貴止須籌防擬請自滇之普應塘剝隘飯朝者桑黔之黃草壩坡脚獨山荔波沿邊一帶分屯重兵建碉堡壘分巡會哨營氣相聯至粵與雲貴分界之區有景山峻嶺為之限黑白花衣各種苗人處其間而游匪亦多據其隙為巢穴擬請召其頭目曉以利害聯為苗團與雲貴之邊防相呼應賊雖矯健亦不能飛度苗疆也賊失堅巢屬集腹地則易施勦捕之方矣一曰畫限地以專責成也賊區太廣經略不能遍履其地則分任責得人焉擬請分潯州柳州慶遠為一路南寧思恩太平為一路擇知兵之提鎮任之百色泗城鎮安為一路咨本省提督任之每路至少十五營賊

無定跡我軍但分據險要星羅棋布互為犄角以團練為鄉導雇土勇作引線偵知賊所四面兜勦軍心宜靜不宜動陣式宜散不宜整士卒宜伏不宜立而尤有最要之著處必視準而後發勿未見賊而施炮至何處可以設伏何處可以立營何處為賊潛蹤何處為賊竄路則在將領之博采旁諮悉心籌運而不能懸測者也布成既周戰守有備然後可專力而治內矣

一曰嚴團甲以查內奸也團練保甲之法為辦匪之極則而尤宜於桂省為其民匪雜居非團甲不能分別良莠也擬請俟大兵紮定之後飭令各州縣同時下鄉各清治境嚴查保甲令該甲長開列匪名懸賞購拿如有隱匿為別時事采新彙選第六卷

三 癸卯七月廿八日刊

甲攻出者與賊同罪查拿既嚴賊必藏匿深山窮谷間則團練之事也數年以來各鄉深知團練之益多有籌款稟請購槍自衛鄉閭者故不患練丁之不力而患團總之有弊得錢賣放著匪挾嫌誣陷良民實為團總通病宜重賞以勵之峻法以防之有能偵探匪蹤助勦得力者從優保獎如有誣告案詐及一切害民等事從重懲辦保甲既滿團練既集賊內無可容外無可竄勢窮力蹙有不俯首就擒乎求也賊之羽翼猶眾也槍碼猶足也宜廣招撫以散其附從嚴關卡以斷其接濟近日善堂賑米軸輻相聯窮黎得此義粟仁漿不復為盜其已從賊者苟能悔罪投誠請許開自新之路且擇其勇而馴者重用之則脅從必將

瓦解而賊勢孤矣賊之槍碼多購自羅定高州商人該商各挑黃木箱二隻時名之曰通天担假賣洋貨藥料為名暗在北海等處採買槍碼繞道由欽廉進鬱林過靈山散入內地沽與賊匪以圖重利關卡以其營生之微也忍之而不知其有挾帶也擬請飭令沿廣東一帶關卡嚴禁此輩入境並派丁嚴密梭巡遇有懷挾槍碼者送交地方官重懲羽黨漸散槍碼將竭目下縱道天誅不日必將殄滅矣某庸陋之見何敢言兵惟桑梓之鄉糜爛如此百姓流離失所慘目傷心用敢貢其知聞冀効土壤涓流之助尋否有當伏候訓示謹上 記者曰廣西僻處邊陲離京遠更治之殘破營務之廢弛由來已久鮮有知者而又以時事采新彙選第六卷

四 癸卯七月廿八日刊

數十年來並無風厲之撫軍但有驕惰之將帥致民事愈不可問加之以飢饉益之以刀兵貧民固不聊生富民亦難安業亂民固難免罪良民亦多含冤故廣西之民之視官與兵也直與匪無異而廣西之富民貧民良民亂民或不得已而為匪所用或不得已而用匪亦皆與匪無異下以匪視其上上以匪視其下此廣西辦匪之所以難也右條陳四策一曰誣經略以一事權一曰籌防堵以備他竄一曰畫地限以專責成一曰嚴團甲以查內奸而嚴之以廣招撫以散附從嚴關卡以斷接濟兩層其於辦匪事宜可為詳備愜富矣顧尤有進者匪之怙惡者原所必誅匪之就繼者亦必懲所以安置悉養為兵國家既無此鉅餉

盡食於賑義款亦必有窮時土著者給籽借牛客籍者墾荒墾屯而歸之以仁明之大員庶幾收一匪即少一匪乎至於民之視官與兵無異於匪久矣欲祛其疑尤非朝夕之功以岑雲帥之政厲以馮宮保之老成以鄭京堂之詳慎原無慮吏治之不飭營務之不肅但願致力於吏治營務者十之七而致力於辦匪者十之三則數十年之積毒庶可以一清也

江蘇埃實學堂經董楊孝廉模呈督學大臣稟稿

錄七月廿三日大分報

江蘇無錫縣埃實學堂經董舉人楊模等 為縣學興辦有年懇陳教育主義及辦理艱難情形並附呈譯刻各書時事采新彙選第六卷 五 癸卯七月廿八日刊

稟求鈞核立案審定示遵事竊無錫自光緒二十三年秋間邑紳公議籌款在邑城聯元街購置舊上壽僧庵公屋一所作為小學堂顏曰埃實即於明年正月詳擬章程學規開堂授課初定學額三十名懇授經學歷史輿地倫理小學論說尺牘算學英文兼授體操以立自強之基廣購圖書以收觀摩之益又以東海頹波浸淫內灌凡教育宗旨壹以孝親敬長忠君愛國為先稍矯末流狂躁憤張惡習其年以後頗有進步來堂就學者日益眾二十七年復添設蒙學初級館教授幼童學額漸次擴充同人益加砥礪富創辦之初衆情未附不免謠詠環生歷時既久輿論漸孚羣知歸嚮二十八年五月蒙前兩江總督部堂劉

具奏以開辦數年規模大備俊髦日興改為高等小學堂并請 傳旨嘉獎並製給樂育英才匾額在案欽奉 硃批著照所請欽此是年復增東文課延日本人松本義成教授計中學共分列甲乙丙三課堂及英文東文兩課堂共設五堂現屆學生九十名測算外兼授粗淺理化圖繪等科學自以江南各屬小學堂開設尚少遠近聞風朋來就學故亦兼收客籍以期畛域無分惜齋舍無多經費有限以不能廣收為憾

至錫金兩縣風尚漸開一堂慮難容納二十八年復議就東林書院添設東林高等小學堂生徒五十名於十月朔開學城廂復添設三等城北務實勉強樂舉各小學堂公時事采新彙選第六卷 六 癸卯七月廿八日刊

同研究教育新理學規務期畫一縣北天授鄉附生胡汝霖等勇於任義捐資先後設蒙學堂七所生徒共四百名泰門鎮嚴氏僧義莊屋改設經正蒙學堂並足為各鄉倡首職等學識疏庸疾心時局冀為 國家培植真材為桑梓開通風氣惟一年之內堂中應用各費如中外教習脩金及各膳費添置圖書儀器及雜用不敷尙鉅官紳之扶助有限商民之協助易窮數年詭施經營勞怨不辭謗議不避迄於今日依然捉襟見肘時時仰屋興嗟除隨時呈商府縣就地籌款外所有歷年辦理艱難實情不得不瀝陳顛末環求大人准予立案以垂永久而免中輟實為公便再埃實同人嘗採集歷年各生課本刻有埃實學堂課